

永樂大典

卷〇六三 王字

卷〇六三 王字

卷〇六三 王字

卷〇六三 王字

永樂大典卷之六千八百三十一

王

王弘

宋書列傳弘字休元琅邪臨沂人也。曾祖導。晉丞相。廢。今欲留軍父。珣。司徒弘少好學。以清恬知名。與尚書僕射謝亦當無乏。

爲會稽王司馬。道子驃騎參軍主簿。時農務頓息。末役繁興。弘募比例。并此田。陳之曰。近面所諮立。屯田事已具。簡聖懷。南畝事興。時不判番假。及督田畧。以要歲功。而府資單刻。控引無所。雖復厲以重勸。肅以嚴威。適足令園圃充積。而無救於事實也。伏見南局諸治募吏數百。雖資以廩。贍收入甚微。愚謂若回以配農。必功利百倍矣。然軍器所須。不可都廢。今欲留銅官大冶。及都邑小冶。各一所。重其功課。一准揚州州之求取。亦當無乏。餘者罷之。以充東作之要。又欲二局田曹。各立典軍。募吏依治募比例。并聽取山湖人。此皆無損於私。有益於公者也。其中亦應疇量。分判番假。及給廩多少。自可一以委之本曹。親局所統。必當練悉。且近東曹板水曹參軍納之領此任。其人頗有幹能。自足了其事耳。頃年以來。斯務弘廢。田蕪

廩虛實亦由此。弘過蒙飾擢。志輸短効。豈可相與寢默。有懷弗聞。邪至於當否。尊自當裁。以遠鑒。若所啓謬允者。伏願便以時施行。庶歲有務農之勤。倉有盈廩之實。禮節之興。可以垂拱待也。道于欲以爲黃門侍郎。珣以其年少固辭。珣頗好積聚財物。布在民間。珣薨。弘悉燔燒券書。一不收責。餘舊業悉以委付諸弟。未免喪後將軍司馬元顯。以爲諮議參軍。加寧遠將軍。知記室事。固辭不就。道子復以爲諮議參軍。加建威將軍。領中兵。又固辭。時內外多難。在喪者皆不得終其哀。唯弘固執得免。桓玄尅京邑。收道子付廷尉。臣吏畏恐。莫敢瞻送。弘時尚在喪。獨於道側拜。攀車涕泣。論者稱焉。高祖爲鎮軍。召補諮議參軍。以功封華容縣五等侯。遷琅瑯王大司馬。從事中郎。出爲寧遠將軍。琅邪內史。尚書吏部郎中。豫章相。廬循寇南康諸郡。弘奔尋陽。高祖復命爲中軍諮議參軍。遷大司馬。右長史。轉吳國內史。義熙十一年。徵爲太尉長史。轉左長史。從北征。前鋒。已平洛陽。而未遣九錫。弘銜使還京師。諷旨朝廷。時劉穆之掌留任。而旨反從北來。穆之愧懼。發病遂卒。而高祖還彭城。弘領彭城太守。宋國初建。還尚書僕射。領選太守如故。奏彈謝靈運曰。臣聞閭閻有家。垂訓大易。作威專戮。致誠周書。斯典或違。刑茲無赦。世子左衛率康樂縣公謝靈運。力人桂興。淫其

嬖妾殺興江浹弃尸洪流。事發京畿。播聞遐邇。宜加重劾。肅正朝風。案世
子左衛率康樂縣公謝靈運。過蒙恩獎。頻叨榮授。聞禮知禁。爲日已久。而
不能防閑。閫闥。致茲紛穢。罔顧憲軌。忿殺自由。此而勿治。典刑將替。請以
見事。免靈運所居官。上臺削爵土。收付大理治罪。御史中丞都亭侯王淮
之。顯居要任。邦之司直。風聲噂沓。曾不彈舉。若知而弗糾。則情法斯撓。如
其不知。則尸昧已甚。豈可復預班清階。式是國憲。請免所居官。以戾還散
輩中。內臺舊體。不得用風聲舉彈。此事彰赫。暴之朝野。執憲蔑聞。羣司循
舊。國典既頽。所虧者重。臣弘忝承人乏。位副朝端。若復謹守常科。則終莫
之糾政。所以不敢拱默。自同秉彜。違舊之愆。伏須准裁。高祖令曰。靈運免
官而已。餘如奏端右。簡正風軌。誠副所期。豈拘常儀。自今爲永制。十四年
遷監江州豫州之西陽新蔡二郡諸軍事。撫軍將軍江州刺史。至州。省賦
簡役。百姓安之。永初元年。加散騎常侍。以佐命。功封華容縣公。食邑二千
戶。三年入朝。進號衛將軍。開府儀同三司。高祖因宴集。謂群公曰。我布衣
始望不至此。傳亮之徒。竝撰辭。欲盛稱功德。弘率衆對曰。此所謂天命。求
之不可得。推之不可去。時人稱其簡舉。少帝景平二年。徐羨之等謀廢立。
召弘入朝。太祖即位。以定策安社稷。進位司空。封建安郡公。食邑千戶。上

表固辭曰。臣聞趙武稱隨會。夫子之家事治。言於晉國。無隱情。臣千載幸會。謬荷榮遇。雖以智能虛薄。政績蔑聞。而言無隱情。竊所庶幾。向今天啓其心。預定大策。而名編司勳。功不見紀。固將請不賞之罪。懸龍蛇之書。豈當稽違成命。苟脩小節。但無功勤。暴之四海。進闕君子勞心之謀。退微小人勞力之効。而聖朝僭賞於上。愚臣苟忝於下。則爲厚誣。當時永貽口實。竊財之誚。比此爲輕。惟塵盛猷。虧玷爲大。微躬所惜。一朝亦盡。非唯仰塵國紀。實亦俯畏友朋。憂心彌疹。胡顏靡託。且凡人之交。尚申知己。況在明主。可用理干。所以敢遂愚狃。守之以死。乃見許。加使持節侍中。改監爲都督。進號車騎大將軍。開府刺史如故。徐美之等。以廢弒之罪。將見誅。弘既非首謀。第曇首。又爲上所親委。事將發。密使報弘。美之等誅。徵弘爲侍中。司徒。揚州刺史。錄尚書。給班劍三十人。上西征。謝晦。弘與驃騎彭城王義康居守。入住中書。下省。引隊伏。出入司徒府。權置參軍。五年春大旱。弘引咎遜位曰。臣聞三才雖殊。其致則一。故世道休明。五福攸應。政有失德。咎徵必顯。臣抑又聞之。台輔之職。論道贊契。上佐人主。褒理陰陽。位以德授。則和氣淳穆。寇竊非據。則謫見于天。是以陳平有辭。不濫主者之局。酈吉停駕。大懼牛喘之由。斯固有國之所同。天人之遠旨。陛下聖哲。御世光隆。

宣休徵表祥。醴泉溢涌而頃。陰陽隔并。亢旱成灾。秋無嚴霜。冬無積雪。疾
癘之氣。猶歷四時。此豈非任失其人。覆餗之咎。臣以庸短。自畢凡流。謬逢
嘉運。叨恩在昔。陛下忘其不腆。又重之以今任。正位槐鼎。統理神州。珥貂
衣袞。總錄朝端。內外要重。頓萃微躬。窮極寵貴。八臣莫比。今德居之。猶或
難稱。矧伊陋昧。何以克任。此之易了。不俟明識。但受命之始。屬值時艱。六
戎親戒。憂及社稷。誠是臣下致節忘身之時。當有何心。塵撓聖聽。所以僣
俛從事。循牆馳驅。志在宣力。慮不及遠。既鯨鯢折首。西夏底定。便宜肆其
本懷。避賢謝拙。而常人偷安。日甘一日。實亦仰佩天眷。未能自己。荏苒推
遷。忽及三載。遂令負乘之釁。彰著幽明。愆伏之灾。患纏氓庶。上缺皇朝。緝
熙之美。下增官謫。廢折之灾。伏念惶報。五情飛散。雖日厚顏。何以寧處。不
遠而復。大易攸稱。小懲大戒。細人之福。近復之美。非所敢觫。懲戒之幸。竊
懷庶幾。今履端惟始。朝慶禮畢。輒還私門。思愆家巷。庶微塞天譴。少彌謫
譴。伏願鑑其所守。即而許之。臨啓愧塞。不自宣盡。先是彭城王義康爲荆
州刺史。鎮江陵平陸令。河南成粲與弘書曰。僕聞軌物。設教必隨時制宜。
世代盈虛。亦與之消息。夫勢之所處。非親不居。是以周之宗盟。異姓爲後
權軸之要。任歸二南。斯前代之明譽。當今之顯轍。明公位極台鼎。四海具

瞻劬勞夙夜義同吐握而總錄百揆兼牧畿甸功實盛大莫之與儔天道福謙宜存挹損驃騎彭城王道德昭備上之懿第宗本歸源所應推先宜出據列蕃齊亮魯衛明公高枕論道變理陰陽則天下和平災害不作福慶與大宋升降享年與松喬齊久名垂萬代豈不美歟弘本有還志挾策言由是固自陳請乃降爲衛將軍開府儀同三司六年弘又上表曰臣聞異姓爲後宗周之明義親不在外有國之所先故魯長滕君春秋所美楚出棄疾前史垂誠矧乃茂親明德道光一時述職戾旬朝政弗及而以庶族庸陋浮華之臣超踰先典居中贊契豈所以憲章古式緝熙治道驃騎將軍臣義康微猷淵邈明德彌劬敷政江漢化被荆南搢紳屬情想樂當務周旦之寄不謀同詞分陝雖重比此爲輕臣實空閭階恩踰越俯積素餐仰玷盛化公私二三無一而可昔孫叔未進優孟見狄展季在下臧文貽譏况道隆地肥義兼前禮臣於古人無能爲役負乘竊位萬物謂何雖曰厚顏胡寧以處斯止之懼寔疚其心乞解州錄以允民望伏願陛下遠存至公近鑑丹款俯順朝野改授親賢豈唯下臣獲免大戾凡厥衆隸孰不慶幸若天眷罔已脫復遲回請出臣表逮聞外內朝議與誦或有可擇詔曰省表遠擬隆周經國之體近述大易卑牧之志三復冲旨良用撫然

公體道淵虛。明識經遠。毗翼艱難。勲猷光茂。俾朕獲宸居垂拱。司契委成。豈容高遜。總錄固辭神州。使成務有虧。以重朕之不德邪。深存體國。所望黃亮驃騎親賢之寄。地均旦奭。還入內輔。參贊機務。輒敬從所執。義康由是代弘爲司徒。與之分錄。弘又表曰。近冒表聞。披陳愚管。實冀天鑒。體其至誠。而奉被還詔。未蒙酬察。徒塵聖覽。仰延優旨。顧影慙惶。罔識攸厝。臣忝荷要重。四載于今。既違前史量力之誠。又微古人進賢之美。尸位固寵。日積官謗。旋觀周行。興愧已厚。況在親賢。朝野歸德。甫思引身。曷云能補。惟塵大典。虧喪已多。不悟天眷之隆。復垂恩獎。名器弗改。蒙寵如舊。感恩自揆。茫若無涯。臣義康既摠錄百揆。毗贊盛化。忝廁下風。諮憑有所。內朝細務。庶可免竭。神州任重。望實兼該。臣何人斯。寇竊不已。爲余推遷。覆敗將及。就無人事之愆。必有陰陽之患。伏念惟憂疾如疾首。不知何理。可以自安。但成旨已決。渙汗難反。加臣懦劣。少無此志。進不能抗言陳辭。以死自固。退不能重置冰鮮。食高瘠。祇畏天威。遂復俛仰。至於攝督所部。料綜文案。曹司吏役。所須不多。其餘文武。皆爲冗長。相府初建。或有未克。請留職僚。同事而已。自此以外。及諸資實。一送司徒。臣受恩深重。休戚是預。義無虛飾。苟自貶損。伏願聖察。特垂許順。不令誠訴。其見抑奪。上又詔曰。

衛軍表如此。司徒宜須事力。可順公雅懷。割二千人。配府資儲。不煩事送。弘博練治體。留心庶事。斟酌時宜。每存優允。與八座丞郎疏曰。同位犯法。無士人不罪之科。然每至詰謫。輒有請訴。若垂恩宥。則法廢不可行。依事糾責。則物以為苦怨。宜更為其制。使得憂苦之衷也。又主守偷五匹。常偷四十匹。竝加大辟。議者咸以為重。宜進主偷十匹。常偷五十匹死。四十匹降以補兵。既得小寬民命。亦足以有徵也。想各言所懷。左丞江奧議。士人犯盜賊。不及棄市者。刑竟自在。贓汙淫之目。清議終身。經赦不原。當之者足以塞愆。聞之者足以鑒誠。若復雷同羣小。謫以兵役。愚謂為苦。符伍雖比屋鄰居。至於士庶之際。實自天隔。含藏之罪。無以相關。奴客與符伍交接。有所藏蔽。可以得知。是以罪及奴客。自是客身犯愆。非代郎主受罪也。如其無奴。則不應坐。右丞孔默之議。君子小人既雜為符伍。不得不以相檢為義。士庶雖殊。而理有聞察。譬百司居上。所以下不必躬親。而後同坐。是故犯違之日。理自聞。今罪其養子典計者。蓋義存戮僕。如此則無奴之室。豈得宴安。但既云復士。宜令輸贖。常盜四十匹。主守五匹。降死補兵。雖大存寬惠。以紓民命。然官及二千石。及失節士大夫。時有犯者。罪乃可戮。恐不可以補兵也。謂此制可施。小人。士人自還用舊律。尚書王淮之議。

昔為山陰令。士人在伍。謂之押符。同伍有愆。得不及坐。士人有罪。符伍糾之。此非士庶殊制。定使即刑當罪耳。夫束脩之胄。與小人隔絕。防檢無方。宜及不逞之士。事接羣細。既同符伍。故使糾之于時行此。非唯一處。左丞議。奴客與鄰伍相關。可得檢察。符中有犯。使及刑坐。即事而求。有乖實理。有奴客者。類多使役。東西分散。住家者少。其有停者。左右驅馳。動止所須。出門甚寡。典計者在家。十無其一。奴客坐伍。濫刑必衆。恐非法當。罪本旨。右丞議。士人犯偷。不及大辟者。宥補兵。雖欲弘士。懼無以懲邪。秉理則君子違之。則小人制嚴於上。猶冒犯之。以其宥科犯者。或衆使畏法。其心乃所以大宥。

庶異制意所不同。殿中郎謝元議謂。

其本

然後其末可。本所以探士大夫於符。

以檢小人邪。

使受檢於

小人邪。

士庶天隔。則士無私庶之由。以不知而押之於伍。則是

受檢於小人也。然則小人有罪。士人無事。僕隸何罪。而令坐之。若以實相交關。責其聞察。則意有未因。何者。名實殊章。公私異令。奴不押符。是無名也。民之貲財。是私賤也。以私賤無名之人。豫公家有實之任。公私混淆。名實非允。由此而言。謂不宜坐。還從其主。於事為宜。無奴之士。不在此例。若士人本檢小人。則小人有過。已應獲罪。而其奴則義歸戮僕。然則無奴之

士未合宴安。使之輪贖。於事非謬。二科所附。惟制之本耳。此自是辯章二本。欲使各從其分。至於求之管見。宜附前科區別。士庶於義為美。盜制按左丞議。士人既終。不為兵革。幸可同寬宥之惠。不必依舊律。於義咸允。吏部郎何尚之議。按孔右丞議。士人坐符伍為臯。有奴臯奴。無奴輸贖。既許士庶緬隔。則聞察自難。不宜以難知之事。定以必知之法。夫有奴不賢。無奴不必不賢。今多僮者。傲然於王憲。無僕者。怵迫於時網。是為恩之所需。恒在程卓。法之所設。必加顏原。求之鄙懷。竊所未愿。謝殿中謂奴不隨主。於名分不明。誠是有理。然奴僕實與閭里相關。今都不問。恐有所失。意同左丞議。弘議曰。尋律。今既不分別士庶。又士人坐同伍。罹謫者。無處無之多。為時恩所宥。故不盡親謫耳。吳及義興。適有許陸之徒。以同符合。給二千石。論啓丹書。已未問。會稽士人云。十數年前。亦有四族坐比被責。以恃恩獲停。而王尚書云。人舊無同伍坐。所未之解。恐莅任之日。偶不值此事。故邪。聖明御世。士人誠不憂至苦。然要須臨事論通。上干天聽。為紛擾。不如近為定科。使輕重有節也。又尋甲符制。蠲士人不傳符耳。今史復除。亦得如之。共相押領。有違糾列。了無等衰。非許士人閭里之外也。諸議云。士庶緬絕。不相參知。則士人犯法。庶民得不知。若庶民不許。不知何許。士人

不知小民自非超然簡獨永絕塵垢者比門接棟小以爲意終自聞知不必須日夕來往也右丞百司之言粗是其況如衰陵士人實與里巷關隘相知情狀乃當於冠帶小民今謂之士人便無小人之坐署爲小民輒受士人之罰於情於法不其頗歟且都令不及士流士流爲輕則小人令使徵預其罰便事至相糾閭伍之防亦爲不同謂士人可不受同伍之誅耳罪其奴客庸何傷邪無奴客可令輸贖又或無奴僮爲衆所明者官長二千石便當親臨列上依事遣判偷五匹四十匹謂應見優量者實以小吏無知臨財易昧或由䟽慢事蹈重科求之於心常有可愍故欲小進匹數寬其性命耳至於官長以上荷蒙祿榮付以苟任當正已明憲檢下防非而親犯科律亂法冒利五匹乃已爲弘矣七人無弘相偷四十匹理就使至此致以明罰固其宜耳竝何容復加哀矜且此輩士人可殺不可譴有如諸論本意自不在此也近聞之道路聊欲共論不呼乃爾難精既衆議糾紛將不如其已若呼不應停寢謂宜集議奏聞決之聖旨太祖詔衛軍議爲允弘又上言舊制民年十三半役十六全役當以十三以上能自營私及公故以克役而考之見事猶或未盡體有彊弱不皆稱年且在家自隨力所能堪不容過苦移之公役動有定科循吏隱恤可無其患庸宰守

常已有勤劇。况值苛政。豈可稱言。乃有務在豐役。增進年齒。孤遠貧弱。其
敝尤深。至今依寄。無所生死靡告。一身之切。逃竄求免。家人遠討。胎孕不
育。巧避羅憲。實亦由之。今皇化惟新。四方無事。役召之應。存乎消息。十五
至十六。宜爲半丁。十七爲全從之。其後弘寢疾。弘表屢乞體骨。上輒優詔
不許。九年。進位太保。領中書監。餘如故。其年薨。時年五十四。即贈太保中
書監。給節加羽葆鼓吹。增班劍爲六十八人。侍中錄尚書刺史如故。謚曰文
昭公。配食高祖廟廷。其年詔曰。乃者三逆煽禍。寔繁有徒。爰初遵養。暨于
明罰。外虞內慮。實惟艱難。故大保華容縣公弘。故衛將軍華。故左光祿大
夫曇首。抱義秉忠。乃情同至。籌謀廟堂。竭盡智力。經營艱險。簡自朕心。國
恥既雪。尤膺茅土。而並執謙挹。志不命踰。故用佇朝典。將有後命。盛業不
究。相係殞落。永懷傷歎。痛恨無已。弘可增封千戶。華曇首封開國縣侯。食
邑各千戶。護軍將軍建昌公彥之。深誠密謨。比蹤齊望。其復先食邑以酬
忠勲。又詔聞王太保家。便已匱乏。清約之美。同規古人。言念始終。情增悽
歎。可賜錢百萬。米千斛。世祖大明五年。車駕遊幸。經弘墓下。詔曰。故侍中
中書監太保錄尚書事。揚州刺史華容文昭公弘。德猷光劭。鑒識明遠。故
散騎常侍左光祿大夫太子詹事豫章文侯曇首。夙尚恬素。理心貞正。並

綢繆先春契闊也夷內亮王道外流徽譽以國圖令勲民思茂惠朕薄巡都外瞻覽墳塋永言想慨良深于懷便可遣使致祭墓所弘明敏有思致既以民望所宗造次必存禮法凡動止施爲及書翰儀體後人皆依倣之謂爲王太保家法雖歷任藩翰不營財利薨亡之後家無餘業而輕率少威儀性又褊隘人忤意者輒面加責辱少時嘗搏蒲公城子野舍及後當權有人就弘求縣辭訴頗切此人嘗以蒲戲得罪弘詰之曰君得錢會戲何用祿爲答曰不審公城子野何在弘默然于錫嗣少以宰相子起家爲負外散騎歷清職中書郎太子左衛率江夏內史高自位遇太尉江夏王義恭當朝錫箕踞大坐殆無推敬卒官于僧亮嗣齊受禪降爵爲侯食邑五百戶弘少子僧達別有傳弘弟虞廷尉卿虞子深有美名官至新安太守虞弟抑光祿大夫抑弟孺侍中孺弟曇首別有傳弘從父弟練晉中書令琅子也元嘉中歷顯官侍中度反尚書練子釗世祖大明中亦經清職黃門郎臨海王子項晉安王子勛征虜前軍長史左民尚書太宗初爲司徒左長史隨司徒建安王休仁出赭圻時居母憂加冠軍將軍忤犯休仁出爲始興相休仁恚之不已太宗乃收付廷尉賜死贊見劉穆之傳後南史列傳客有疑其諱者弘曰家諱與蘇子高同弘性褊隘人有忤意輒加

詈辱自領選。及當朝揔錄將加榮爵於人者。每先呵責譴辱之。然後施行。若美相眊。接語欣懽者。必無所諧。人問其故。荅曰。王爵既加於人。又相撫勞。便成與主分功。此所謂姦以事君者也。若求者絕官叙之分。既無以爲惠。又不微借顏色。即大成怨。府亦鄙薄所不任。問者悅伏論曰。語云。不有君子。其能國乎。晉自中原沸騰。介居江左。以一隅之地。抗衡上國。年移三百。蓋有憑焉。其初諺云。王與馬共天下。蓋王氏人倫之盛實始是矣。及夫休元弟兄。並舉棟梁之任。下逮世嗣。無虧文雅之風。其所以簪纓不替。豈徒然也。

王僧達

宋書列傳僧達琅邪臨沂人。太保弘少子。兄錫質訥。乏風采。太祖間僧達蚤惠。召見於德陽殿。問其書學及家事。應

對閑敏。上甚知之。妻以臨川王義慶女。少好學。善屬文。年未二十。以爲始興王濬後軍參軍。遷太子舍人。坐屬疾。於楊荆橋觀鬪鴨。爲有司所糾。原不問。性好鷹犬。與閭里少年相馳逐。又躬自屠牛。義慶聞其如此。令周旋沙門慧觀造而觀之。僧達陳書滿席。與論文義。慧觀酬荅不暇。深相稱美。與錫不協。諍家貧。求郡。太祖欲以爲秦郡吏部郎。庾炳之曰。王弘子既不宣作秦郡。僧達亦不堪莅民。乃止。尋遷太子洗馬。母憂去職。兄錫罷臨海。

郡還送故有奉祿百萬以上。僧達一夕令奴輦取。無復所餘。服闋爲宣城太守。性好遊獵。而山郡無事。僧達肆意馳騁。或三五日不歸。受辭訟多在獵所。民或相逢不識。問府君所在。僧達曰。近在後。元嘉二十八年春。索虜寇逼都邑。危懼。僧達求入衛京師。見許。賊退。又除宣城太守。頃之徙任義興。三十年。元凶弒立。世祖入討。普檄諸州郡。又符郡發兵。僧達未知所從。客說之曰。方今釁逆滔天。古今未有。爲君計。莫若承義師之檄。移告徇郡。使工言之士。明示禍福。苟在其心。誰不響應。此策上也。如其不能。可躬率向義之徒。詳擇水陸之便。致身南歸。亦其次也。僧達乃自候道南奔。逢世祖於離頭。即命爲長史。加征虜將軍。初。世祖發尋陽。沈慶之謂人曰。王僧達必來赴義。人問其所以。慶之曰。虜馬飲江。王出赴難。見在先帝前。議論開張。執意明決。以此言之。其至必也。上即位。以爲尚書右僕射。尋出爲使持節南蠻校尉。加征虜將軍。時南郡王義宣求晉。江陵南蠻不解不成。行仍補護軍將軍。僧達自負才地。謂當時莫及。上初踐阼。即居端右。一二年間。便望宰相。及爲護軍。不得志。乃啓求徐州。曰。臣衰索餘生。逢辰藉業。光帝追念功臣。賤及遺賤。飾短捐陋。布策稠采。從官委褐。十有一載。早憑慶泰。晚親盛明。而有志於學。無獨見之敏。有務在身。無偏鑒之識。固不足建

言世治備辦時宜竊以天恩不可終報尸素難可久處故倡任蕪謬每陳
所懷陛下孝誠發衷義順動物自龍飛以來實應九服同歡三光再朗而
臣假視巷里借聽民謠黎氓未締其感遠近風議不獲稍進臣所用夙宵
疾首寤寐疚心者也臣取之前載譬之於今當漢文之時可謂藉已成之
業據既安之運重以布衣菲食憂勤治道而賈誼披露地誠猶有歎哭之
諫況今承顛沛萬機惟始恩未及普信未遑周臣又聞前達有言天下重
器也一安不可卒危一危亦不可卒安陛下神思淵通亦當鑒之聖慮竊
謂今之務惟在萬有爲已家國同憂尤彼庶心從民之欲民有咨瘼之聲
君表納隍之志下有愆弊之咎上無侈豫之情又應官酌其才爵疇其望
與失不賞寧失不刑至若樞任重司藩扞要鎮治亂攸寄動靜所歸百度
惟新或可因而弗革事在適宜無或定其出處天下多才在所用之臣非
惟寄觀世路謬識其難即之於身詳見其弊何者臣雖得免牆面書不入
於學伍行無愆戾自無近於才能直以廕託門世夙列榮齒且近雖奔迸
江路歸命南闕竟何功効可以書賞而頻出內寵陛下綢繆數旬之中累
發明詔自非才略有素聲實相任豈可間而弗驚履而無懼固宜退省身
分識恩之厚不知報答當在何期夫見危致命死而後已皆殷勤前誥重